



Espediente zk.: 131/2025

Ebazpena, orri-bazterrean ezarritako zenbakiarekin eta datarekin

Prozedura: 2025 Euskara ikasteko eta euskara jakitea eta ikastea bultzatzen duten proiektuak ordaintzeko dirulaguntzen deialdia

ALKATETZAREN EBAZPENA

Ondategin, alboan ezarritako sinadura-egunean, administrazio orokorreko bulegoan, alkateak, Javier Gorbeña García jaunak, idazkaria Ziortza Guinea Gutierrez, bertan zela, ebazpen hau eman zuen:

2016ko apirilaren 20an, Udalbatzaren Osoko Bilkurak euskara ikastea eta euskararen ezagutza eta ikasketak sustatzeko proiektuak ordaintzeko dirulaguntzen oinarriak arautzen dituen ordenantza onartu zuen.

Idazkaritzak txostena egin zuen 2025eko otsailaren 24an, eta, bertan, dirulaguntzak deitzeko eta emateko aplikatu beharreko legeria eta jarraitu beharreko prozedura adierazi ziren.

Ikusirik 2025eko otsailaren 24an kontu-hartzaitzaren txostena egin zela dirulaguntza horiek ematek eratorritako gastuari aurre egiteko krediturik ba ote dagoen jakiteko.

Horrekin batera doan dokumentazioa aztertuta, Idazkaritzaren txostena ikusita, eta Dirulaguntzei buruzko azaroaren 17ko 38/2003 Lege Orokorraren 23. artikuluan eta euskara ikastea eta jakitea sustatzeko proiektuak eta euskara ikastea ordaintzeko dirulaguntzen oinarriak arautzen dituen ordenantzan ezarritakoarekin bat etorritz, honako hau

EBATZI DUT:

LEHENENGOA. Onartzea 2025-2025 ikasturtean euskara ikasteko eta 2025ean euskararen ezagutza eta ikasketak bultzatzeko proiektuetarako lehia-prozeduraren bidez dirulaguntzak emateko deialdia ebazpen honen eranskinean agertzen den testuarekin.

BIGARRENA. Deialdiaren laburpena Arabako Lurralde Historikoaren Aldizkari Ofizialean argitaratzeko behar den dokumentazioa ematea BDNSri.

ERANSKINA

ZIGOITIKO UDALERRIAN 2025-2025 IKASTURTEAN EUSKARA IKASTEA ETA EUSKARA JAKITEA ETA IKASTE BULTZATZEN DUTEN PROIEKTUAK ORDAINTEKO DIRULAGUNTZAK EMATEKO DEIALDIA.

1. Oinarri arautzaileak

Dirulaguntza hauek emateko oinarri arautzaileak euskara ikastea eta euskararen ezagutza eta ikasketak bultzatzeko proiektuak ordaintzeko dirulaguntzen oinarriak arautzen dituen ordenantza espezifikoan daude jasota. Ordenantza hori 2016ko apirilaren 20an onartu zen, eta Arabako Lurralde Historikoaren Aldizkari Ofizialean argitaratu zen 2016ko ekainaren 6an (64. zk.).

Dirulaguntza horiek norgehiagoka bidez emango dira. Horretarako, aurkeztutako eskabideak konparatuko dira, deialdi honetan ezarritako balorazio-irizpideen arabera lehentasun-hurrenkera ezartzeko, eta irizpide horiek aplikatuta baloraziorik handiena lortu dutenak esleituko dira, hurrengo puntuan ezarritako mugarekin.



2. Aurrekontu-kredituak

Deialdi honen arabera aurkeztutako eskabideen ondorioz ematen diren laguntzen finantzaketa 335.480.000 partidari egotziko zaio, 2025erako aurrekontuko "euskara ikasteko beka" gisa.

Laguntzen gehieneko zenbateko osoa 335.480.000 aurrekontu-aplikazioan ezarritako kredituaren zenbatekoa izango da, 2025eko ekitaldiko aurrekontuaren arabera; zehazki, 6.000 euro.

Aurrekontua gauzatzeko arauaren arabera, gastu-aurrekontuko 335.480.000 aplikazioan sartutako ordainketa-kredituak handigarritzat hartuko dira, eta 2.000 eurotan handitu ahal izango da dirulaguntza horretara bideratutako zenbatekoa, deialdi berririk egin behar izan gabe, betiere dagokion aurrekontu-aldaketa izapidetu bada.

3. Dirulaguntzen helburua eta baldintzak

Dirulaguntzaren helburua da euskara ikasteak eta euskararen ezagutza eta ikaskuntza bultzatzen duten euskararen aldeko proiektuak eragindako gastuak finantzatzen laguntzea.

Diruz lagunduko dira:

- Euskara ikasteko ikastaroen matrikula-gastuak, 2024ko urritik 2025eko irailera bitartean egindako udako ikastaroak, ikastaro trinkoak eta barnetegiak barne.

Kanpoan geratzen dira joan-etorrien gastuak eta edozein ikastaro-modalitatetako mantenu- eta ostatu-gastuak.

- 2025ean euskararen ezagutza eta ikasketak sustatzeko euskararen aldeko proiektuak antolatzearen ondoriozko gastuak.

4. Erakunde onuradunak

Dirulaguntza hauen onuradun izan daitezke:

-Euskararen ikaskuntzarako: Ondorengo baldintzak betetzen dituzten pertsona fisikoak:

- a) Ikasturtearen hasieran Zigoitiko udalerrian erroldatuta egotea eta ikastaroa amaitu arte erroldatuta egotea.
- b) Ikastaroan izena emateko unean 16 urte beteta izatea.
- c) Helduen Alfabetatze eta Berreuskalduntzerako Erakundeak (HABE) edo Udako Euskal Unibertsitateak (UEU) aitortutako ikaskuntza-zentroren batean matrikulatuta egotea.
- d) Emandako orduen ehuneko 80ra gutxienez joatea.

- Euskararen ezagutza eta ikaskuntza bultzatzen duten euskararen aldeko proiektuetarako: Euskara sustatzea sustatzen duten irabazi-asmorik gabeko erakundeak, nahiz eta beren helburu nagusiak ez izan horiek bakarrik, eta beren jarduera-eremuak Zigoitiko udalerrian eragina badu, nahiz eta egoitza soziala udalerrri horretan ez izan.

Egoitza soziala Zigoitian duten irabazi-asmorik gabeko erakundeei Zigoitiko Elkartearen Udal Erregistroan inskribatzeko eskatuko zaie, eta egoitza soziala Zigoititik kanpo dutenei, berriz, Euskal Autonomia Erkidegoko Elkartearen Erregistro Orokorrean edo Euskal Autonomia Erkidegoko Kirol Erakundearen Erregistroan inskribatzeko.

Nortasunik gabeko pertsona fisiko edo juridikoen elkarte publiko edo pribatuen kasuan, berariaz adierazi behar da, bai eskabidean bai laguntza emateko ebazpenean, zein diren taldeko kide bakoitzak bere gain hartutako egikaritze-konpromisoak, bai eta horietako bakoitzak aplikatu beharreko dirulaguntzaren zenbatekoa ere. Zenbateko hori ere onuradunatzat hartuko da.



5. Instrukziorako eta ebazteko eskuduntza duen organoa

Euskara Saileko zinegotzi delegatua izango da espedientearen izapidetzeko organo eskuduna.

Alkatetza izango da ebazteko organo eskuduna, Kontuen, Osoko Bilkurako Gaiak Prestatzeko eta Gobernu Kudeaketari buruzko Informazioko Batzorde Bereziak aldeko irizpena eman ondoren.

6. Eskaerak aurkezteko eta justifikatzeko epea

Euskara ikasteko eskabideak eta dirulaguntza justifikatzeko epea, hurrengo puntuan adierazitako dokumentazioarekin batera, 2025eko azaroaren 3ra artekoa izango da.

Euskararen ezagutza eta ikaskuntza sustatzen duten euskararen aldeko proiektuetarako eskabideak proiektua hasi baino hilabete lehenago aurkeztuko dira, betiere 2025eko azaroaren 1a baino lehen, egun hori barne. Diruz lagundutako proiektua amaitu eta hilabeteko epean aurkeztu beharko da gastuaren justifikazioa, eta betiere 2026ko urtarrilaren 30a baino lehen, egun hori barne.

7.- Eskaerarekin batera aurkeztu beharreko dokumentazioa

-Euskara ikasteko dirulaguntzak:

1. Udalak emandako eskaera ofiziala.
2. Ikasturtea egin den ikastetxearen ziurtagiria, honako datu hauek jasotzen dituena: hasitako ikasturtea eta amaitutako ikasturtea, ikastaroaren guztizko ordu-kopurua eta ikaslearen bertaratze-ehunekoa, ikasturtearen hasiera- eta amaiera-datak eta matrikularen guztizko kostua.

Barneratuen kasuan, bereiz adierazi beharko dira matrikula-gastuak, mantenu-gastuak eta ostatu-gastuak.

3. Matrikula ordaindu izanaren ziurtagiria.

Autoikaskuntza ikastaroen kasuan:

1. Udalak emandako eskaera ofiziala.
- 2.- Ikasketa-zentroarekin sinatutako kontratuaren kopia, honako datuak jasotzen dituena: matrikularen zenbatekoa, kontratatutako epealdia, emandako ordu kopurua, egindako mailak eta gainditutako maila.
3. Matrikula ordaindu izanaren ziurtagiria.
4. HABEk ikastaroa autoikaskuntzako ikastaro gisa onartzeko eskatutako orduen % 80ra gutxienez 152 orduz bertaratu izanaren egiaztagiria. Ondorio horietarako, elkarrizketa-orduak, tutoretzak eta banakako lana zenbatuko dira.

-Euskararen ezagutza eta ikaskuntza sustatzen duten euskararen aldeko proiektuak:

1. Udalak emandako eskaera ofiziala.



2. Proiektuaren memoria, honakoa zehaztuta: egingo diren jarduerak, eta horien helburuak.
3. Proiekturako aurreikusitako gastuak eta diru-sarrerak.

8. Ebazteko eta jakinarazteko epea

Ebazteko epea lau hilabetekoa izango da, eskabideak aurkezteko epea amaitzen denetik kontatzen hasita, eta epe horren barruan ebazpenik eta jakinarazpenik ematen ez bada, ezetsi egingo dira.

9. Administrazio bidea bukatzea

Ebazpenak amaiera emango dio administrazio-bideari, eta, haren aurka, administrazioarekiko auzi-errekurtsoa jarri ahal izango da administrazioarekiko auzien epaitegietan, Administrazioarekiko Auzien Jurisdikzioa arautzen duen uztailaren 13ko 29/1998 Legearen 8.1 artikuluan aurreikusitakoari jarraiki, jakinarazten denetik bi hilabeteko epean.

Era berean, aldez aurretik, aukerako errekurtsoa aurkeztu ahal izango zaio Alkatezari hilabeteko epean, Administrazio Publikoen Administrazio Prozedura Erkidearen urriaren 1eko 39/2015 Legearen 123. eta 124. artikuluetan xedatutakoaren arabera.

10. Eskaerak baloratzeko irizpideak

- **Euskara ikasteko dirulaguntzak:** matrikularen kostuaren ehuneko 100 edo hurrengo koadroan ikasturte bakoitzerako ezarritako gehieneko kopurua, matrikularen kostua handiagoa bada:

Ikastaro mota	Gehieneko dirulaguntza
Ohiko ikastaroak (urritik ekainera, 2-3 ordu egunean)	850 euro ikastaroko
Ikastaro trinkoak (urritik ekainera, gutxienez 5 ordu egunean)	1.250 euro ikastaroko
Barnetegiak (gutxienez 5 ordu egunean)	150 euro ikastaroko
Autoikaskuntzako ikastaroak (urritik ekainera)	650 euro ikastaroko
Ikastaro mota	Gehieneko dirulaguntza
Udako Euskal Unibertsitateko ikastaroak	150 euro ikastaroko

Batera lagundu ahal izango dira diruz ohiko ikastaroak eta barnetegiak, baldin eta batzuek eta besteek helburu akademiko komunak badituzte.

- **Euskara jakitea eta ikastea bultzatzen duten euskararen aldeko proiektuetarako dirulaguntzak:** proiektuaren kostuaren % 100era arte, eta ezin izango da gainditu dagokion aurrekontu-aplikazioan urtero esleitutako zenbatekoa.

11. Jakinarazteko eta iragartzeko bideak

Eskatzaileak eskabidean horretarako adierazitako tokian eta moduan egingo dira jakinarazpenak, Administrazio Publikoen Administrazio Prozedura Erkidearen urriaren 1eko 39/2015 Legearen 40. artikuluan eta hurrengoetan ondorio horietarako ezarritakoa kontuan hartuta.